

Salvo + Hannes Live!

De Böögg gaht uf Heiden
Song zum Böögg in Heiden am 22. Juni 2024

Hüt brönnt de Böögg in Appezell
genauer gseit in Heide
dem schönste Fläckli vom Kanton
so säged mir bescheide
het Sächsilüüte überläbt am schöne Zürisee
drum chönä mir im Appezell ihn hür vom nöchem gseh

Refrain:

De Böögg de got uf d'Reis
und d'Flamme brönned heiss
und plötzlich gits en Knall
und d'Chüe verschrecked uf der Weid
und eini au im Stall

Ich froge mich, wie cha das si
das häts no gar nie gäh
dass d'Zürcher s'Füür nöd azünnt händ
und de Böögg än Tiger wär
me munkled do und fint sither
die Zürcher sind nöd dumm
än Appezeller zünds nöd aa
sus chunnts denn use chrum

Refrain:

Isch immer so, dass öppe schifft
und s'Wetter nöd rächt tuet
sisch immer z'chalt und z'heiss und z'nass
uf jede Fall wird's guet
hüür wüssed mir jetz immerhin
werum dass s'Wetter spinnt
will d'Zürcher nöd scho im April
de Böögg abgfackled händ

Refrain:

22.6.2024/KE